



Centraal Bureau voor de Statistiek

WTC, Piscaderabaai z/n

Tel: 8392300

WhatsApp: 5202227

E-mail: info@cbs.cw

www.cbs.cw / curacaodata.cbs.cw / digitallibrary.cbs.cw

KOMUNIKADO DI PRENSA

Willemstad, 9 novèmber 2020

83% di e empresanan ku a partisipá na Enkuesta di Koyuntura a indiká ku e 'lockdown' tabatin un impakto negativo riba nan volúmen di benta.

Resultadonan di Enkuesta di Koyuntura pa e promé mitar di aña 2020


Willemstad : Ofisina Sentral di Statistik (CBS) ta publiká awe algun di e promé resultadonan di e Enkuesta di Koyuntura pa luna di yùni 2020. E enkuesta aki a tuma luga despues di e lockdown den nos komunidad kaminda ekonomia a keda relashoná ku corona virus. Konsekuensia di esaki tabata ku aktividat i volúmen di benta di empresanan a baha hopi. Por lo menos 83% di e empresanan ku a partisipá a indiká ku e lockdown tabatin un impakto negativo riba e volúmen di benta.

Meta di e enkuesta aki ta pa riba un base regular, 2 bes pa aña, duna informashon aktual tokante komersio i parameternan ekonómiko i desaroyonan. Banda di esaki e resultadonan ta duna un bista di e espektativa i opinion di e empresarionan.

E periodo aki tur e empresanan a wòrdu kontaktá di forma online pa yena e enkuesta. Pa e investigashon aki, a enkuestá empresanan chiki, mediano i grandi. Di e empresanan chiki (tres pa 10 empleado) a saka un grupo a-selektó.

Resultadonan mas importante di Enkuesta di Koyuntura pa promé mitar di año 2020

- Presis 30% di e empresanan aserká a duna di konosé di a **inbertí** den e promé mitar di 2020. Esaki ta 13% menos kompará ku desèmber 2019.
- 41% di empresanan a duna di konosé ku tabatin **opstákulo durante invershon**. Esaki ta e porsentahe mas haltu midí (desèmber 2014 e tabata 39%) i 15 punto di porsentahe mas ku desèmber ultimó.
- Opinion di empresanan tokante nan **konfiansa den ekonomia** a baha. E total di empresanan ku a indiká ku e konfiansa ta menos, a subi di 50 pa 84 porshento. E parti di empresanan ku a indiká ku nan konfiansa den ekonomia a keda meskos a bira 16 porshento kompará ku 48 porshento na desèmber 2019.
- E **konfiansa den futuro** den e promé mitar di año 2020 ku a baha. E empresanan a duna di konose ku konfiansa den futuro kompará ku desèmber 2019 di 51 porshento pa 35 porshento. E porsentahe di empresanan ku no tin konfiansa den futuro a baha di 22 pa 30 porshento.
- Opinion di e empresanan tokante e **klima di invershon** a baha drástiko kompará ku desèmber 2019. Mas empresa a indiká ku nan ta haña e klima di invershon no positivo, esaki a bira dos bes mas tantu di 34 pa 67 %. E parti di empresanan ku ta haña e klima di invershon positivo a baha di 4% pa 1%. Ta bisto ku menos empresa ta konsiderá e klima di invershon regular. Esaki a baha ku mitar di 62% pa 31%.
- Kompará ku desèmber 2019 e porsentahe di **volúmen di benta** a subi di 57% pa 83%. E porsentahe di empresanan ku nan volúmen di benta a subi a baha di 27 % pa 10%. Un total di 83 % a duna di konosé ku 'lockdown' tabatin un impakto negativo riba nan volúmen di benta. Kasi 15% a indiká ku esaki no tabatin influensha i 2% a indiká ku e tabatin influensha (hopi) positivo riba nan volúmen di benta.
- E porsentahe di empresanan ku ta **spera un resultado positivo** a bira 35%. Esaki ta 31 punto di porsentahe menos ku desèmber 2019. Kasi 66% di e empresanan enkuestá a duna di konosé ku nan ta spera un resultado negativo. (31 punto di porsentahe mas kompará ku 2019). Un subida haltu i un porsentahe haltu ta pensa ku nan lo no saka ganashi
- **índice di koyuntura** basá riba e sifranan di konfiansa den futuro, persepsion di klima di invershon i desaroyo di benta (kambio/mutashon di benta) a bira na luna di yüli 2020 despues di lockdown 30%. Esaki ta 23 punto di porsentahe mas abou kompará ku desèmber 2019.



Pa mas informashon

Riba e pagina inicial di e wepsait di CBS (www.cbs.cw) tin ku lenk kaminda por download e publikashon “Resultaten Conjunctuurenquete 1^{ste} helft 2019” ku mas resultado.

CBS ta agredesí tur empresa ku a duna nan aporte na Enkuesta di Koyuntura.